

rumq; sunt herbae temperatè calidae, ut carduus benedictus, cum reliquis carduis ferè omnibus, absinthium, majorana, abrotanum, melissa, resta bovis, urtica, flammula, petroselinum, rosmarinus, & aliae; de frigidis non item hoc intelligendum. Quamvis & multum situm sit in operatione: nisi enim succus ritè ad melleam consistentiam sine empyreumate coctus, ac praeterea in locum frigidissimum positus fuerit, nihil aut parum salis generabitur. Deinde quòd haec salia, hoc modo extracta, reliqua salia per calcinationem facta, tam virtute, quàm sapore, superent, mirum non est. Integritas enim salis volatilis, in qua essentialis potestas latet, salva manet; nec potest fieri, quin etiam ex sulphure, & liquore mercuriali, ceteris ceu sui compositi principiis, aliquid sibi attribuāt, quibus alioquin, si calcinando provenisset, carere debuissent.

Hujusmodi sales, ut & reliqua principia, licet summis & elegantissimis virtutibus praedita sint: non tamen carent suis incommodis, ut quidam praestantissimi viri observarunt. Salia enim arrodunt & extimulant: spiritus caput petunt: olea ventriculum conviscant, & adhaerent. Unde nonnulli commoti sunt, illa Philosophicè conjungere, & ex combinatione horum trium primorum corporum lapillū quon-